

Inzko: Ljudi žele nova radna mjesta, bolje obrazovanje i manje korupcije

Visoki predstavnik Valentin Inzko danas se u Londonu u Ministarstvu vanjskih poslova Ujedinjenog Kraljevstva sastao sa zamjenicom političkog direktora Jill Gallard i šefom Odjela za Zapadni Balkan Andrewom Pageom. Također se sastao i s baronesom Arminkom Helić, iz Doma lordova.

– Nakon izbora, potrebno je što prije formirati organe vlasti na osnovu dogovora o konkretnim političkim prioritetima koji će uticati na život običnih ljudi – rekao je visoki predstavnik na današnjim sastancima, dodavši da su “bolje obrazovanje, otvaranje radnih mjesta, ozbiljnija borba protiv korupcije i bolje javne usluge oblasti gdje ljudi očekuju da vide promjene.”

Visoki predstavnik je iskoristio priliku da Ujedinjenom Kraljevstvu zahvali za stalnu i nepokolebljivu podršku stabilnosti Bosne i Hercegovine i njenim naporima u oblasti evroatlantskih integracija.

Tokom boravka u Londonu, visoki predstavnik također je održao govor na konferenciji “Umjetnost i pomirenje: Konflikt, kultura i zajednica” na Kraljevom koledžu (King’s College), saopćeno je iz OHR-a. (Fena)

Date: 29-11-2018